

coira: exposiziun professiunala «Fiutscher»

En bung mossaveias per mintgign

G.N.S. Radond 3500 scolaras e scolar ed ulteriours 9000 visitaders, ò la quarta ediziun dall'exposiziun professiunala attratg da mesemda anfignen dumengia passada. L'occurrènz è eneda duple testifi gia la vasta paletta tgi mattas e mats on er aint igl Grischun, per far lour amprendissadi u ena scolaziun.

Igl 2010 ò l'Unìun grischuna d'artisanadi e mastirants organisò l'amprema exposiziun professiunala «Fiutscher», dus onns pi tard la sagonda, igl 2014 la terza ed ossa l'emda passada ò gia li la quarta ediziun. Danovamaintg è chella stada en veir success ed igls organisatours on fatg ena bilantscha zont positiva. Igl interess per l'occurrènz è sto immens grond e nias èn igls 12 500 visitaders da tot las regiuns da noss cantun, ainten la capitala grischuna. Tranter chels er cunzont bleras persungas giovnas allas qualas l'exposiziun sa drezza. Igl intent dall'occurrènz «Fiutscher» è, da far a scolaras e scolaras dalla scola superioura pi simpel da tscherner en amprendissadi u ena scolaziun. Per mintga matta e mat è chegl en'impurtanta decisiun an lour veta ed er ena etappa essenziala siva dalla scola fundamentala. Cun en amprendissadi fon mattas e mats en fundamaint da gronda valour per lour veia professiunala, gea schizont pigl antier curs dalla veta. Venderde passo èn igls radond 100 scolaras e las scolaras dallas scolas superiouras da Surses e dalla Val Alvra (1. e 2. classa superioura), exclus Lai stos all'exposiziun «Fiutscher».

1800 plazzas d'amprendissadi aint igl Grischun

La Svizra è an Europa ena tera cun ena scolaziun exemplarica scu strusch en'otra. La scolaziun professiunala da basa è tar nous Svizzers en sistem tgi funcziuna remartgabel ed a qual confederaziun e cantuns dattan gronda muntada. Mintg'onn termineschan an Svizra 69 000 mattas e mats lour amprendissadi e veters vignan anc 26 000 giuvenils tgi fon cun success igl examen ainten egnas dallas numerosas scolas professiunalas superiouras. An noss cantun stattan a disposiziun mintg'onn 1800 plazzas d'amprendissadi, dantant occupadas vignan angal 1200. Scu ainten oters cantuns sa decidan er tar nous bleras mattas e mats siva dalla scola superioura da betg far en amprendissadi, persiva fon els ena scolaziun academica. Cun l'exposiziun «Fiutscher» lessan l'Unìun grischuna d'artisanadi e masti-



igl amprendist dalla Thomann Sa declera agls treis scolaras da Surses la funcziun digl motor dad en camìun. (da san.) andrin Sonder, Filippo Loi, Matteo Lozza e Claudio Pereira.

rants e las diversas organisaziuns professiunalas, far attent igls giuvenils alla vasta pussibladad da far en amprendissadi ainten egnas dallas radond 80 branschas da professiun, cun ena schelta da 300 diffe ents mastiers.

Lavours gist agl li

Igls tschintg deis dall'exposiziun è sto bler travagl ainten la halla digl martgea a Coira. Simpatic è cunzont er sto, tgi dasper igls patrungs on er amprendistas ed amprendists do pled e fatg agls 3500 giuvenils ed a tot igls oters interessos. Sclaras e scolaras on er gia caschung da luvrar gist agl li e far experientschas cun las diversas materias. Professius manualas scu scrinari u mirader on interess igls mats da diesch anfignen 15 onns e chegl è er sto igl cass tar igls mastiers, tgi on an ena moda u l'otra da far ensatge cun tecnica, computers e digitalisaziun. Neir pour, chegl para er dad esser ena professiun da semi da blers mats e schizont mattas. Tar igl stand digl «Plantahof» era chel de tgi nous ischans stos all'exposiziun blier muvumaint. Da far en amprendissadi mercantil è anc adegna egnas da chels giaveischs da numerosas mattas ed er per chellas era la lètga fi g gronda tar l'exposiziun «Fiutscher». Pro-

fessius segl sector da sanadad paran dantant er da sviglier blier interess tar las mattas ed er cò vess la paletta betg savia esser pi gronda. Tot an tot ena exposiziun multifara, tgi è en bung mossaveias per mintga matta e mat per far en fundamaint decisiv per la veta professiunala.

La Thomann SA cun en stand professiunal

En travagl tgi tgira igls sies amprendists scu pacs oters, è la Thomann SA (camiuns ed oters vehichels) da Luzi Thomann da Parsonz. L'interpresa cun 200 ampluias e da chels 25 amprendists, è ancunaschainta per lavour exemplarica e chegl ainten l'antiera Svizra. Dalla parteida cun la sia fi ma all'exposiziun «Fiutscher», era er Luzi Thomann. Exponias eran gist dus camiuns tgi on surtot attratg la simpateia da blers mats, pero er da carschias. Crudo an igl è, tgi igls ampluias ed igls amprendists dalla Thomann SA eran fi g cumpetents e gentils ed on do cun plascheir pled e fatg a tots visitaders. En veir hit è sto gist per igls mats, igl stand noua tgi els on pudia exercitar scu tgi vo da midar pneus ad en auto (Sauber) dalla formula egn.



Daniel Wasescha dad RTR dat infurmaziuns allas tschintg scolaras da Savognin. (da san.) Saskia Demarmels, Jessica Krebs, Milena Vincenz, Nadine Guetg e Ladina Solèr.



Antupo vainsa er igls dus emprendists electricists Renato Netzer (san.) da Savognin e Yannick Flepp da Sedrun.



Da buna luna èn chels mats dalla scola superioura Surses. (da san.) Elia Cavelti, Andrin Kubli, Noah Demarmels, Gian Marco Cabalzar.



Dus scolars dalla scola superioura Casti e lour scolast. (da san.) Daniel Barbosa, Domeni Tscharner e Markus Peng.



Igl pulicist Gion Batist Schmid an discussiun cun ena scolara.



Per en mument stos miraders. Linard Gantenbein (san.) e Simon Völckers (dretg) dalla scola superioura Casti.



Lascha gustar igl giantar: Diego Poltera.



Sa divertia all'exposiziun e chegl scu medias on Lara Engler da Surava (san.) e Fabia Farrér da Stierva. Fotos: Gion Nutegn Stgier